



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

Caput decimum tertium. Magi Jesum adorant, eique munera offerunt.

urn:nbn:de:hbz:466:1-16260

filia Jerusalem: Ecce rex tuus veniet tibi
justus & Salvator.

Jesu nomen
in Veteri Te-
stamento pre-
significatum
esse, & vi-
mirifica pol-
lere Judæi
saturatur.
Elias Lev.
Thib. in יֵשׁוּ.

I. **E**BRÆICUM Christi nomen est יֵשׁוּעַ, unde prisci Judæi & recentiores postremam literam detruxerunt, ut superesset יֵשׁוּ, sive quod literam illam pronuntiare difficile sit, sive quod salutare hoc nomen Christo Jesu tribuere verpi illi recusarent. Rem enim dubiam relinquit Elias in Thibsi. Ut ut est, vulgatum inter illos Christi Jesu nomen est יֵשׁוּעַ, quod in aliquibus Veteris Testamenti locis ad Christum pertinentibus reperitur; collectis ראשי תיבות, capitibus dictionum, per eam Cabalæ artem quam Rabini appellant כתב ויתרוקן, hoc est, scripturam quæ fit per notas. Velut in quadragesimo nono capite Geneleos, commate decimo, quod Messiam prædicere satis constat ex iis quæ superius disseruimus, hæc voces extant: בָּא שִׁלְחָה וְיָוֵי, quarum acrostichis est יֵשׁוּעַ. Item in Psalmo septuagesimo primo, qui venturi Messie vaticinium est, hæc legas commate decimo septimo: יֵשׁוּעַ שְׂבוּ וְיִתְכַבְּרוּ, quarum dictionum si summa elementa conjunxeris, exurget dictio יֵשׁוּעַ. Messiam quoque prænuntiat Psalms nonagesimus quintus, cujus duodecimus versiculus ab his vocibus capit initium: יַעֲלֶה שְׂרֵי וּכְבֹל, quarum sigla dant vocabulum יֵשׁוּעַ. Quæ quanquam sunt Judaicæ vanitatis plenissima, suis tamen artibus impuri homines revincendi sunt, & suo sibi gladio jugulandi. Quin & serpentium morsus, & haustus veneni, nomine Jesu sanatos fuisse Thalmudistæ referunt in libro De sabbatho, capite decimo quarto, & in Avoda Zara, secundo capite.

CAPUT XII.

De nomine Emmanuel, quod significat, Nobiscum Deus.

ISA. 7. 14. Ecce Virgo concipiet, & pariet
Filium, & vocabitur nomen ejus Emmanuel.

MATTH. 1. 20, & seq. Angelus Domini
apparuit in somnis ei (Josepho) dicens, Jo-
seph, fili David, noli timere accipere Mariam
conjugem tuam: quod enim in ea natum est,
de Spiritu sancto est: pariet autem Filium, &
vocabis nomen ejus Jesum; ipse enim salvum
faciet populum suum à peccatis eorum. Hoc
autem totum factum est, ut adimpleretur quod
dictum est à Domino per Prophetam dicentem,
Ecce Virgo in utero habebit, & pariet Filium,
& vocabunt nomen ejus Emmanuel, quod est
interpretatum, Nobiscum Deus.

Joh. 1. 14. Et Verbum caro factum est, &
habitavit in nobis.

Emmanue-
lem esse Je-
sum ex Ma-
soretharum
doctrina pro-
batur.
Seph. Aeman.
cap. 2.

I. **E**T SI Gematricæ artis Judæorum summa inanitas est, quoniam tamen ad oppugnandam Christianorum causam ea utuntur aliquando Judæi, retorquenda in auctores hæc stoliditas est. Legitur in Sepher Aemana, juxta disciplinæ hujus ratiocinia, יֵשׁוּעַ הָיָה עִמָּנוּאֵל, dictionem hanc Emmanuel, עִמָּנוּאֵל, & illam יֵשׁוּעַ, יֵשׁוּעַ. Unde unum eundemque esse Emmanuelem illum ab Itaiæ prænuntiatum, ac Jesum Dominum, si sibi constare & doctrinæ suæ præceptis consentanea loqui velint, fateri omnino necesse habent Masorethæ.

CAPUT XIII.

Magi Jesum adorant, eique munera offerunt.

PSALM. 71. 9, & seq. Coram illo proci-
dent Ethiopes, & inimici ejus terram lin-
gent. Reges Tharsis & insula munera offerent;
Reges Arabum & Saba dona adducent.
Et vivet, & dabitur ei de auro Arabis.

MATTH. 2. 1, & seq. Cum ergo natus
esset Jesus in Bethleem Juda, in diebus He-
rodus regis, ecce Magi ab Oriente venerunt
Jerosolymam, dicentes, Ubi est, qui natus est
Rex judæorum? Intranses domum in-

Isa. 8. 3, 4. *Et dixit Dominus ad me, Vo-
ca nomen ejus, Accelera spolia detrahere, Fe-
stina pradari: quia antequam sciat puer vocare
patrem suum & matrem suam, auferetur for-
titudo Damasci, & spolia Samaria coram rege
Assyriorum.*

Isa. 60. 6. *Omnes de Saba venient, auram
& thus deferentes, & laudem Domino annun-
tiantes.*

venerunt puerum cum Maria matre ejus, & pro-
cidentes adoraverunt eum, & apertis thesau-
ris suis obtulerunt ei munera, aurum, thus,
& myrrham.

CAPUT XIV.

Jesus fugit in Ægyptum, & post diuturnam moram
redit in patriam.

OSE. II. 1. *Ex Ægypto vocavi filium
meum.*

MATTH. 2. 14, & seq. *Qui (Joseph)
conspurgens accepit puerum, & matrem ejus no-
ste, & secessit in Ægyptum, & erat ibi usque
ad obitum Herodis: ut adimpleretur quod di-
ctum est à Domino per Prophetam dicentem,
Ex Ægypto vocavi filium meum. Defun-
cto autem Herode, ecce Angelus Domini appa-
ruit in somnis Joseph in Ægypto, dicens: Sur-
ge, & accipe puerum & matrem ejus, & va-
de in terram Israël; defuncti sunt enim qui
querebant animam pueri. Qui consurgens ac-
cepit puerum, & matrem ejus, & venit in
terram Israël.*

CAPUT XV.

Infantium cædes ab Herode perpetrata.

JEREM. 31. 15. *Hæc dicit Dominus: Vox in
excelsis audita est lamentationis, luctus, & fle-
tus Rachel plorantis filios suos, & nolentis
consolari super eis, quia non sunt.*

MATTH. 2. 16, & seq. *Tunc Herodes vi-
dens quoniam illusus esset à Magis, iratus est
valde, & mittens occidit omnes pueros qui erant
in Bethlehem, & in omnibus finibus ejus, à
bimatu & infra, secundum tempus quod ex-
quisierat à Magis. Tunc adimpletum est quod
dictum est per Jeremiam Prophetam dicentem,
Vox in Rama audita est, ploratus & ululatus
multus, Rachel plorans filios suos, & noluit
consolari, quia non sunt.*

I. MEMORABILE est, & ad fidem Evangelicæ Historiæ conciliandam
peropportunum Augusti dictum, de Herodis sævicia in Judæorum infan-
tes, ipsumque adeo ejus filium, quod refertur à Macrobio. *Cum audisset, inquit, in-
tra pueros, quos in Syria Herodes rex Judæorum intra bimatum jussit interfici, filium quoque
ejus occisum, ait, Melius esse Herodis porcum esse quam filium. Filius ille Herodis inter pue-
ros Judæos Bethlehemitas à patre interfectus, ecquis tandem fuerit, varie est ab eru-
ditis disceptatum. Baronius, aliique censent fuisse eum infantem recens natum, jussu
patris cum aliis interfectum, ne is foret ad quem, ex Magorum vaticinio, regnum Ju-
dæorum esset perventurum, ejus mentionem fuisse prætermittam à Josepho, quem alias
res complures memoria dignas silentio quoque pressisse constat, velut Jobi historiam
& Piscinæ ad Probaticam portam, cujus præter Johannem Benjamin quoque memi-
nit in Itinerario. Hanc opinionem merito refellit Casaubonus. Opinatur Grotius
duas historias in unam confudisse Macrobius, alteram de Berhlehemitarum infan-
tium cæde, quam ex libris Christianorum, Christianus fortasse & ipse acceperat;
alteram de cæde Antipatri à patre Herode interfecti: cujus opinionis argumenta pro-*

Expenditur
locus Macro-
bi de dicto
Augusti, cum
Herodis filium
inter Berhle-
hemiticis in-
fantes occisum
acceperat.
Macrobi. Sat.
libr. 1. cap. 4.
Baron. ad A. 1.
cap. 50.
Casaub. adv.
Baron. Exercit.
1. cap. 16.
Grot. in Matth.
2. 16.